

# Npaj mus koom lub rooj sib tham hais txog cov kev pab tus cwj pwm coj rau koj tus me nyuam

Planning for a meeting about your child's behavior needs —Hmong version

Tu ib tug me nyuam muaj ib qho tsis taus mas yeej tsis yooj yim. Tu ib tug me nyuam muaj ib qho tsis taus uas yuav tau muaj cov kev pab tus cwj pwm coj thiab mas kuj haj yam tsis yooj yim. Tam li leej niam leej txi, tej zaum koj tus kheej yuav nrhiav pom ntau cov hau kev zoo sib xws los daws tej teeb meem coj tsis zoo ntawd. Qhov koj npaj tswv yim ua ntej koj yuav mus koom lub rooj sib tham hais txog cov kev pab tus cwj pwm coj rau koj tus me nyuam ntawd yuav pab koj piav tau koj cov tswv yim hais txog txoj hau kev tshiab ntxiv nrog lwm tus cov tswv yim los pab koj tus me nyuam.

## Saib tus cwj pwm coj li ib qho yuav tau qhia

Thaum koj npaj tswv yim mus koom lub rooj sib tham, koj yuav tau xam xyuas seb yog vim li cas tus me nyuam thiaj muaj qhov coj tsis zoo li ntawd. Tus cwj pwm coj yog ib qho kev hais qhia rau lwm tus, thiab txhua tus tib neeg mas nyias yeej txawm muaj nyias ib hom kev txuas lus uas zoo rau nws. Qhov coj tsis zoo yog ib txoj kev hais qhia tsis zoo uas ib tug siv los ua kom tau qhov nws xav tau, txawm yog qhov coj li ntawd yuav mag txim los xij.

Cov laus yeej saib qhov cov me nyuam coj raws li qhov lawv tau pom dua, tau paub los lawm thiab ntseeg tau. Xyuas meej tias koj yeej paub tseeb lawm tias vim li cas koj thiaj xav tias koj tus me nyuam muaj cov cwj pwm coj tsis zoo. Koj yuav tau muab qhov pab tau koj tus me nyuam tiag tiag, kev mob nkeeg, thiab tej lus uas yuav pab piav qhia tias yog vim li cas koj tus me nyuam thiaj pheej coj tau li ntawd coj los xam xyuas kom meej.

Saib qhov coj tsis zoo li qhov tau muaj kev hais paub lawm. Kuj yooj yim los siv qhov ua kom tsum tam sim ntawd, xws li muab rau txim. Ua tib zoo nco tias qhov koj tus me nyuam ua kuj tsis muaj feem rau qhov hais tias yog vim li cas nws ho ua li ntawd. Piv txwv li, ib tug me tub uas pheej nyeem tsis tau ntawv ntawd tej

zaum nws yuav txhawj tias tsam tus kws qhia ntawv cia li hu nws los nyeem ntawv nrov nrov. Qhov zam kom txhob poob ntsej muag, tej zaum nws yuav siv cov lus tsis zoo mloog pis tsawg, uas yeej paub tias yog hais ces yeej yuav raug rhov tawm hauv chav kawm mus xwb. Qhov tiag ces yog cov niam txiv thiab cov kws qhia ntawv yuav tau tshawb nrhiav tias vim li cas nws thiaj coj li no, txhob lam cia li kho qhov coj tsis zoo ntawd xwb.

## Kev rau txim qhia tsis tau cov tswv yim txawj coj tshiab

Yav tag lawm, tsev kawm ntawv yeej saib qhov teeb meem coj tsis zoo li qhov tsis mloog lus, thiab yeej rau txim tas li. Tiam sis, kev rau txim rau tsuas yog ib txoj kev ua kom tseg qhov coj tsis zoo mus ib pliag xwb. Qhov rau txim yeej qhia tsis tau cov tswv yim txawj coj tshiab. Yog tias tsis qhia cov tswv yim tshiab rau tus me nyuam, qhov teeb meem coj tsis zoo ntawd yeej yuav muaj mus tas li, vim yog qhov ntawd twb yog qhov tus me nyuam ua tau qhov nws xav tau lawm. Piv txwv tias, tej zaum ib tug me nyuam muaj qhov loj hlob qeeb yuav ntaus lwm tus kom tig ntsia. Yog tias tsev kawm ntawv cia li muab tus me nyuam no rau txim thiab tsis qhia lwm txoj hau kev tshiab los hais kom lwm tus tig mus tom nws ces, nws yuav ntaus lwm tus mus tas li xwb.

## Qhia kom txawj coj tus cwj pwm zoo yog ib txoj kev qhia ua

Ib txoj kev zoo los qhia koj tus me nyuam kawm kom tau cov tswv yim txawj coj tshiab yog yuav tau muab txoj kev sib koom tawm tswv yim nrog cov kws txuj ua hauj lwm hauv tsev kawm ntawv. Qhov koom ua ke no, koj yuav xam tau qhov yuav pab tau koj tus me nyuam thiab tsim kom muaj txoj kev qhia raws li qhov nws yuav kawm tau. Tom qab koj pom zoo rau txoj kev qhia lawm, koj qhov feem xyuam yog txhawb nqa tus kws qhia

---

ntawv thiab txoj kev qhia thiab tsom kws xyuas seb cov kev pab ntawd puas pab tau koj tus me nyuam tus cwj pwm koj tiag. Yog koj ho tsis pom zoo nrog qhov tau txiav txim siab los, yeej yog koj li feem xyuam los hais lawm.

## **Cov lus nug hais tau nyob hauv lub rooj sib tham**

---

Tej zaum koj yuav xav muab cov lus nug hais mus no koj los nug thaum koj nrhiav cov tswv yim tshiab los pab koj tus me nyuam kawm kom koj tau tus cwj pwm zoo.

1. Qhov kuv tus me nyuam txawj ua yog dab tsi?
2. Qhov yuav pab tau kuv tus me nyuam yog dab tsi?
3. Qhov koj tsis zoo yog dab tsi?
4. Puas yog kuv tus me nyuam qhov tsis taus muaj feem ua rau nws koj tau tsis zoo?
5. Qhov tau pab kom txhob muaj qhov koj tsis zoo yav tas lawm yog dab tsi? Nyob hauv tsev ne? Nyob hauv zej zog ne? Nyob hauv chav kawm yav tas ne?
6. Qhov pab tsis tau kom txhob koj tsis zoo ntawd ho yog dab tsi?
7. Qhov chaw kawm no puas ua tau rau tus me nyuam koj tau txawv li cas?
8. Cov kev txhawb nqa hauv tsev kawm ntawv uas yuav pab kuv tus me nyuam kawm koj tus cwj pwm tshiab yog dab tsi?
9. Pab neeg npaj kev kawm ntawv tus kheej puas yuav ntaub ntawv ntxiv koj los xyuas kuv tus me nyuam tus cwj pwm koj kom meej pem?
10. Kuv tus me nyuam puas tsim nyog muaj qhov kev txheeb xyuas tus cwj pwm koj (Functional Behavior Assessment)\* los pab peb tshawb xyuas seb yog vim li cas cov cwj pwm koj no thiaj tshwm sim tau los?

## **Npaj kom txhij mus koom**

---

Ua ntej thaum koj yuav mus sib tham, npaj kom muaj daim ntawv teev cov lus uas muaj qhov pab tau zoo thiab qhov koj txhawj txog uas koj xav muab koj los tham. Tus cwj pwm koj thiab kev cob qhia yog ob co ntsiab lus muab koj los tham tsis tau yooj yim, li ntawd yog muaj cov lus sau cia kuj yuav pab tau heev. Tom qab tham xaus lawm, koj yuav tau hais kom rov muab qhov tau txiav txim siab lawm koj los hais ib lwm ntxiv los yog rov muab koj los hais seb puas yog qhov koj ntseeg tau tias tau pom zoo ua ke lawm. Qee tsam los koj yuav tau muab qhov leej twg yuav lis qhov twg tiag koj los hais kom meej pem ntxiv.

## **Hloov kho tsab ntawv IEP, yog tsim nyog lawm**

---

Yog muaj tej yam hloov hauv tsab ntawv IEP lawm, hais kom tsev kawm ntawv muab qhov hloov no sau ua ntawv zias xa tuaj rau koj.

## **Lis dej num ua ke**

---

Tam li leej niam leej txi ntawm ib tug me nyuam muaj ib qho tsis taus thiab muaj tus cwj pwm koj tsis zoo, koj paub zoo lawm tias qhov yuav hloov tau koj tus me nyuam tus cwj pwm koj mas yeej tsis yooj yim kiag li. Qhov ua tib zoo qhia cov tswv yim txawj koj tshiab thiab lis dej num nrog koj tus me nyuam lub tsev kawm ntawv yog qhov yuav pab tau koj tus me nyuam muaj lub tsam thawj los xyaum koj zoo mus.

*\*Kev txheeb xyuas tus cwj pwm koj (Functional Behavior Assessment) yog ib txoj kev mus saib cov ntaub ntawv muaj tseg lawm thiab soj xyuas kom txheeb tau qhov paus ntsis tias yog vim li cas ho koj tau li ntawd. Hu rau koom haum PACER Center tus xov tooj 952-838-9000 los yog hu tus xov tooj hu tau dawb hauv xeev Minnesota 800-537-2237 los yog mus saib Pacer qhov web site [www.PACER.org](http://www.PACER.org) kom paub zoo ntxiv.*